



Vol.130
7/07/15

Faktus Informasaun

Diak Liu Ministru Obras Publiku Hapara Kontratu no Fo Black List ba Kompania Constructora San Jose S.A Tamba Servisu la Professional

Timor-Leste nudar Nasaun ida iha rejiaun Aziatiku ne'ebe foin Ukun-An iha tinan 13 husi invazasaun Indonesia. Ho kondisaun ne'e Timor-Leste prezisa dezenvolve a'an diak atu nune'e Povu Timor-Leste bele moris diak. Atu hala'o dezenolvimentu ne'e Governu Timor-Leste iha tinan 2012, impresta osan husi Banku Dezenvolvimentu Aziatiku (ADB) no hala'o konstrusaun ba projetu infrastruktura (estrada).

Projetu rehabilitasaun estrada Dili-Tibar-Liquica, implementa husi Kompania Internasional Constructora San Jose S.A, no Consultant Katahira & Engineers International hamutuk ho KWK Consultant Unipessoal Lda. Projetu ne'e tuir informasaun ne'ebe mak iha kuadru projetu Data hahu: 14 Novembru 2013 no Data remata: 15 Agustu 2015. Orsamentu ba projetu ne'e apoiu husi Asian Development Bank no Governu Timor-Leste hamutuk tokon \$ 20.516,000.00 Dollar Amerikanu. Projetu ne'e la'o tarde tanba tuir publikasaun MOP iha media STL progressu servisu atinji 30% no iha media Diario Nacional progressu servisu atinji 35% maske projetu ne'e tenki finaliza 15 Agustu 2015.

Rezultadu observasaun ne'ebe mak Staff Luta Hamutuk no Estudantes Estajiaru Dili Institute of Technology (DIT), hala'o direta iha terenu hodi entrevista ho komunidadade Ulmera no Lauhata ne'ebe hetan implikasaun saude (moras Ispa) no ekonomia lor-loron (warung,merkadu, kios no fa'an ikan) husi projetu ne'e.

Ho kondisaun ne'e Luta Hamutuk identifika pontu importantes mak hanesan tuir mai ne'e:

Problema Saude; bazeia ba informasaun husi ekipa monitor hetan katak komesa husi Fulan Outobru 2013 to'o Fulan Maiu 2015, komunidadade ne'ebe mak afeita moras ISPA hamutuk 10.683, kompostu husi Postu Saude Suku Ulmera hamutuk 7252 no husi Postu Saude Lauhata hamutuk 3431, informasaun hirak ne'e ralata husi Senhora Doutora Paulina Gusmao husi Postu Saude Ulmera no Senhora Doutora Terezinha Ribeiro husi Postu Saude Lauhata.

Problema ekonomia; haktuir Senhora Madalena Bisoi Soares (Kasian-Veterana) no senhor Augusto Pereira (Xefe Postu Bazartete-Liquica), informa mos ba ekipa monitor katak projetu ne'e hahu to'o agora hamate rendimentu ekonomia uma laran Warung, Merkadu, Kios no sira ne'ebe fa'an ikan la hala'o ni-nia aktividade hanesan bai-bain tanba kondisaun rai-rahun mak sa'e maka'as.

Problemaa trabalador; trabalador Timor-Oan sira representante husi Senhor Luciano Correia Soares tinan 22 nudar badaen iha area servisu Suku Ulmera nian la satisfas ho desizaun kompania konaba vencimentu ne'ebe mak iha diferensia entre Timor-Oan ho Estranjeiru maske ho tipu servisu mak hanesan "Badaen Timor-Oan kada loron hetan \$6.50 maibe ba badaen Estranjeiru kada loron hetan \$25.00, representante trabalador ne'e senti katak montante vencimentu ne'e la justu no diskrimina Timor-Oan sira.

Atu hetan informasaun klaru favour kontaktu:
- (670) - 3322619
- (670) - 7245063
Timor Leste Institute for Research, Advocacy and Campaign
E: lutahamutuktimorleste@gmail.com
Web: www.lutahamutukinstitute.org
Address: Rua Gov. Celestino da Silva, Farol, Dili, Timor Leste
Post Address: Po. Box. 1034
Dili Timor-Leste

Fontes : Observasaun Direta, entrevista (trabalador no komunidadade) no Jornal Diario Nacional (Data: 25/06/15)